



## Publicaziuns dalla vischnaunca, jamna 23

### Votaziuns federalas, votaziun cantunala ed elecziun communal

L'urna principala en casa communal ei aviarta sco suonda:

**Sonda 13-6-2015 18.30–19.30**  
**Dumengia 14-6-2015 9.00–11.00**

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen **venderdis, ils 12 da zercladur 2015, allas 17.00**, tier l'administraziun communal (tel. 081 920 36 36).

### Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar *suttascret* en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (*supplicau da francar*) ni directamein fierer en la scaffa da brev dalla casa communal.

Ils cedels da votar ston esser sil pli tard la sonda, ils 13 da zercladur 2015 allas 12.00 tier l'administraziun communal.

Il certificat dil dretg da votar ei da suttascriber. *Senza Vossa suttascripziun cun agen maun ei la votaziun nunvaleivla.*

*Suprastonza communal*

---

### Lubientscha da baghegiar

L'istanza da baghegiar ha concediu suandontas lubientschas da baghegiar:

**Nr. 2015 – 1010.000**

Annalisa Giger-Sialm, Via Alpsu 4, 7180 Disentis/Mustér, sanaziun interna, engronda-ziun parziala dil hotel, parcella 715, Via Alpsu 8, 7180 Disentis/Mustér

Disentis/Mustér, ils 19 da matg 2015

*Uffeci da baghegiar Disentis/Mustér*

---

### Via d'uaul Cavardiras–Caischavedra

Muort moviments da terren resta la via denter Chischarolas e Runtget serrada per tut traffic. Pedunzs san passar senza impediments. Ina sviaziun pil traffic ei signalisada sur las Bovas.

Bien engraziament per la capientscha.

*Uffeci forestal Disentis/Mustér*

---



## **Invit ad in'occurrenza d'informaziun publica per ils cussegls da vischnaunca da Tujetsch e Mustér concernent**

«Projects dallas Pendicularas Mustér»

Cheutras envidein nus Vus ad in'occurrenza d'informaziun davart ils «projects dallas Pendicularas Mustér» che ha liug mesjamna, ils 17 da zercladur 2015 allas 20.00 ella halla Cons a Mustér. Tier las Pendicularas Mustér stattan plirs projects sin rucca. A caschun dall'occurrenza d'informaziun vegn il delegau dil cussegl d'adminstraziun, signur Marcus Weber, ad orientar davart il stadi dils singuls projects.

Program:

1. Avertura e beinvegni (President communal, Francestg Cajacob)
2. Orientaziun davart ils projects dallas Pendicularas Mustér (Marcus Weber, delegau cussegl d'administraziun)
3. Discussiun e damondas

Nus selegrein sin Vossa participaziun.

*Suprastonzas communalas Tujetsch e Disentis/Mustér*

---

## **Cussegls da vischnaunca**

Il cussegl da vischnaunca seraduna gievgia, ils **11 dazercladur 2015** allas 19.30 en casa communal.

*Tractandas:*

1. Protocol nr. 21-2013/2016
2. Terminar il concept en favur dalla sanaziun dallas finanzas communalas cun entradas da taglia supplementaras sin la fin digl onn 2015: Moziun (moziun nr. 3-2013/2016)
3. Plaz da pausa scola Cons: Moziun (moziun nr. 4-2013/2016)
4. Sanaziun dalla cuschina en casa da scola Cons: Damonda da credit (messadi nr. 26-2013/2016)
5. Via Lucmagn a Raveras: Project e credit (messadi nr.27-2013/2016)
6. Relasch dils statuts per la Regiun Surselva (messadi nr. 28-2013/2016)
7. Ura da damondas (conform ad art. 44 dil regulativda fatschentas)

*Il president dil cussegl da vischnaunca*

---

## **Donns d'uaul**

### **Disturbis entras transports da lenna**

Enconuschentamein han il vent e la neiv bletscha dil november 2014 caschunau gronds donns els uauls siglintschess dalla vischnaunca da Mustér.

Cunquei ch'era uaul da schurmetg ei pertuccaus e perevitar donns entras il bau-scorsa, sto la lenna vegnir allontanada ord igl uaul entochen la fin da zercladur. Ord quels motivs sgolan ils helicopters gia baul la damaun entochen la sera tard. Per motivs termics eis ei buca adina pusseivel da sglar suentermiezdi.

Nus essan pertscharts ch'ils sgols caschunan disturbis edein unfiseivels. Bugen sperein nus denton cun la capientscha da vischinas e vischins ed engraziein grondamein per la capientscha.

*Administraziun communal*

---



## Controlla da habitonts

### Mortori

Maria Margretha Desax, naschida ils 7 da settember 1937, morta ils 26 da matg 2015.

---

### Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*

---

### Uniun da catschadurs Péz Alpetta

#### Salvament d'anseuls

Prezias purs. Ussa ei il temps che las cauras cavriel fanansiel. Stedi setegnan ellas si cun ur anseuls en prau sche vegnan segai. Aschia vegnan mintga onn anseuls perla veta entras maschinas da segar. Cun pign engaschi sanins evitar quei.

Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar mintgamai ina bandiera el prau pertuccond. Entras il disturbi daquellas prendan las cauras ils anseuls ord il prighel. Annunzias saveis far tier il cau da tgira sut la numera 079 304 33 61

Bien engraziament per Vossa collaboraziun  
*Uniun da catschadurs Péz Alpetta: Il cau da tgira*

---

### Exercezi regional dallas Uniuns samaritanas Tujetsch, Medel e Mustér a Mustér/Fontanivas

Gliendisdis, ils 8 da zercladur 2015

Rimnada: las 18.45 avon halla Cons. Equipament: resticauld e buns calzers. Igl exercezi ha liug da tutt'aura. Suentier igl exercezi vegn purschiu a tuts participonts ina mudesta tscheina ella Ustria Fontanivas. Sperond sin ina stedia participaziun salida cordialmein

*la presidenta*



### Frauenturnverein Disentis

Unser Turnverein hat ein neues Angebot: «Line-Dance» 1 x im Monat  
Wann: Donnerstag, 11. Juni 2015, 20.00 Uhr Center da sport e cultura Disentis. Weitere Daten:  
folgen ab September 2015. Kosten: Vereinsmitglieder im Jahres-beitrag enthalten. Wir  
laden alle Tanzbegeisterten ein, bei uns hereinzuschauen. Infos Tel. 079 672 50 46.

---

### Uniun da gimnastica da dunnas Mustér

Nossa uniun ha ina nova purschida: «Line-Dance» 1 x per meins.  
Cu: gievgia, ils 11 da zercladur 2015, allas 20.00 el Center da sport e cultura Mustér. Ulteriuras  
datas: suondan naven da settember 2015. Cuosts: Per nossas commembras ei quella purschida  
inclusivamein ella contribuziun annuala. Nus envidein en tuttas interessadas pil sault. Mirein en la  
halla da gimnastica. Infos tel. 079 672 50 46.

El num dalla suprastonza  
*Uniun da gimnastica da dunnas Mustér*

---

### Beinvegni a Disentis/Mustér 2016

#### *17. Fiasta federala d'acordeon dils 3–5 da zercladur 2016*

Aunc ein ils tuns dil SKJF a nus ellas ureglias e gia mirein nus egl avegnir sin ina proxima gronda  
fiasta a Disentis/Mustér.

**Dils 3 entochen ils 5 da zercladur 2016** beneventein nus 100 formaziuns cun rodund 2000 ac-  
cordeonists alla 17. Fiasta federala d'acordeon.

Sinaquei che quella fiasta daventi in success cumpleintscherca il comité d'organisaziun gia oz  
umens e dunnas (voluntari(a)s) che segidan cun nus. Nus basignein de-ter 250–300 pesunas els  
sequents secturs: infrastruttura, transport, traffic, gastronomia, accumpignament q.v.d aschi num-  
nai «butlers» che preparan las zonas da silenzi sin giavisch e speakers.

Savesses Ti s'imaginar da s'engaschar per quei arranschament d'eminent a muntada per la re-  
giun? Lutarglina buca da s'annunziar. Bugen spitgein nus Tiu resun entochen la fin d'uost 2015  
per mail ad [info@akkor-deonfest.ch](mailto:info@akkor-deonfest.ch) ni directamein tier la persuna da contact: Rita Furger, Via  
Sogn Placi 6, 7180 Disentis/Mustér (tel. 081 936 45 45). El decuors dil settember 2015 vegnin nus  
a tarmetter in questiunari detagliau, nua che Ti sas lu indicar en tgei sector che Ti vulas  
s'engaschar.

Sin Tia annunzia e tiu agid selegra  
*il comite d'organisaziun*

---

### Orientierungslauf Disentis

Datum: *Samstag, 6. Juni 2015*

Treffpunkt: Lodge SAX, Via Sax 1, 7180 Disentis

Anmeldung vor Ort: ab 11.30 Uhr

Start: 13.00 Uhr

Ziel: 17.00 Uhr

Anmeldung per Telefon unter: 081 515 14 14

---



**Gruppa da teater d'affons, Mustér**

sepresenta cun il toc «Il niev Computer» da Peter Gerold, translaziun en romontsch ereschia Christina Bundivendergis, ils 5 da zercladur 2015 allas 20.00 en halla Consdumengia, ils 7 da zercladur 2015 allas 17.00 en halla Cons  
Cordial beinvegni fan a Vus Lucas, Ramona, Jasmin, Sabrina, Ricardo